

100 Հարց Ս.

Հաղորդութեան Մասին

90) Ինչպէ՞ս կը բացատրեն իրենց տեսակետը միւս եկեղեցիները, որոնք խմորեալ հաց կ'օգտագործեն:

Հացի տեսակի շուրջ յառաջացած կնճռոտ պատճառներէն հիմնականը նոր կտակարանի ժամանակագրութիւնն է, աւելի ճիշդ հետեւեալ հարցի պատասխանը, թէ ո՞ր օրը Յիսուս իր աշակերտներուն հետ ընթրիք ըրաւ եւ հաստատեց Ս. Հաղորդութեան խորհուրդը: Ըստ համտես Աւետարաններուն Զատիկական ընթրիքը տեղի ունեցած է Նիսան (Ապրիլ) ամսուայ 14-ի երեկոյեան Հինգշաբթի օրը: Ուրբաթ կ'ըլլայ Զատիկի առաջին օրը, իսկ Յովհաննէսի աւետարանի տեղեկութիւններու համաձայն Նիսանի 14-ը Ուրբաթ էր, այսինքն Զատիկը շաբաթ օրն էր՝ Նիսան 15-ին: Ասոր կը հետեւի, որ Յիսուս վերջին ընթրիքը ըրած է Հինգշաբթի երեկոյեան, Նիսան 13-ին, երբ կը սկսէր Նիսանի 14-ը՝ Ուրբաթ օրը: Աւետարաններուն հաղորդած այս տեղեկութիւնները ցայսօր կը քննարկուին Ս. Գիրքի մեկնիչներու եւ ուսումնասիրողներու կողմէ, երկու տեսակէտներն ալ ունին իրենց պաշտպաններն ու ընդդիմախօսները: Հայոց եկեղեցին դարերէ ի վեր Ս. Պատարագի խորհուրդը կը կատարէ բազարը հացով եւ հիմնուելով համատես Աւետարաններուն վրայ պնդելով, որ Յիսուս առաքեալներուն հետ Նիսանի 14-ին, Հինգշաբթի օրը, Զատիկական ընթրիքը ըրաւ եւ օգտագործեց բազարը հաց:

ԱՂԱՆԴԱՒՈՐԱԿԱՆ ՇԱՐԺՈՒՄՆԵՐ

ԲԱՍԵԼԱԿԱՆՈՒԹԵԱՆ ՀԱՄԱՌՕՏ ՊԱՏՄԱԿԱՆԸ 2- Ս. ԵՐՐՈՐԳՈՒԹԻՒՆԸ

Ս. Երրորդութեան համար կ'ըսեն, թէ չկայ Երրորդութիւն, որ իբրեւ թէ հեթանոսական է, այլ կայ միակ Աստուած մը՝ Եհովան, որուն Որդին (բայց Աստուած չէ) Յիսուս Քրիստոսն է: Երրորդութեան «անտրամաբանական» վարդապետութիւնը Սատանային կողմէ հնարուած է -կ'ըսեն- բնա՛լ չի յիշուիր Աստուածաշունչին մէջ:

Բայց ասիկա բնա՛լ ճիշդ չէ: Թէեւ «Երրորդութիւն» բառը չկայ Աստուածաշունչին մէջ, բայց անոր մասին վկայութիւնները բազմաթիւ են, եւ անհերքելի: Յիսուս ինք իր աշակերտներուն պատուիրեց. «Գացէ՛ք բոլոր ազգերը աշակերտեցէ՛ք, մկրտեցէ՛ք զանոնք յանուն Հօր եւ Որդոյ եւ Հոգւոյն Սրբոյ» (Մտթ. 28:19): Պօղոս Առաքեալ Երրորդութեան երեք անձերուն մասին խօսելով՝ զանոնք «ՆՈՅՆ ԱՍՏՈՒԱԾԸ» կը կոչէ (Ա. Կոր 12:3-6), իսկ Բ. Կոր 13:13-ին մէջ, նոյն երեք անձերուն անուանով կ'օրհնէ իր հաւատացեալները:

Աստուածաշունչը յաճախ միասին կը յիշէ Հայրը, Որդին եւ Սուրբ Հոգին (տե՛ս Մտթ. 3:16-17: Հռոմ 8:9: Եփես. 4:4-6: Ա. Պետ. 1:2: Յուդա 20:21: Ա. Յովհ. 2:22-23), եւ ցոյց կու տայ, թէ անոնք երեքն ալ նոյն բնութիւնը եւ նոյն յատկանիւնները ունին, երեքն ալ յաւիտեական են եւ անվախճան:

Միրելի ընթերցող, ՃՐԱԳ քերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ jerak ճրագ քերթ



ԲՈՒ ԽՕՍԲԴ ԽՄ ՈՏԹԵՐՈՒՄ ԾՐԱԳ Է ՈՒ ԽՄ ԾԱԽՂՆԵՐՈՒՄ ԼՈՅՍ (Ս. 119-105)

ԺԱ. ՏԱՐԻ

ԿԻՐԱԿԻ, 14 ՅՈՒՆՈՒԱՐ 2018

ԹԻԻ 2

ԿԻՐԱԿԻ ՕՐԵՐՈՒ ԱՍՏՈՒԱԾԱԾՆՉԱԿԱՆ ԸՆԹԵՐՅՈՒՄՆԵՐ ԵՍ. 54.1-14 Ա. ՏՄ. 1.1-11 ՅԻՍՈՒ ՔՐԻՍՏՈՍԻ ԱԻՏՏԱՐԱՆԸ ԸՍՏ ՅՈՎՀԱՆՆՈՒ 2.1-11

Յիսուսի Գալիլիա հասնելուն երրորդ օրը հարսանիք մը կար Կանա քաղաքին մէջ, եւ Յիսուսի մայրը հոն էր: Յիսուս եւ իր աշակերտներն ալ հրաւիրուած էին հարսանիքին: Երբ գինին պակսեցաւ, Յիսուսի մայրը իրեն ըսաւ.- «Գինի չունին»:

«Մա՛յր, մեզի ի՞նչ», - պատասխանեց Յիսուս, - «իմ ժամանակս տակաւին չէ հասած»:

Սակայն իր մայրը ըսաւ սպասաւորներուն. «Ինչ որ ըսէ ձեզի՝ կատարեցէ՛ք»: Հրեաներու ծիսական մաքրութեան սովորութեան համաձայն, հոն քարէ վեց կարասներ կային, որոնցմէ իւրաքանչիւրը ութունէն հարիւր լիթր կ'առնէր: Յիսուս ըսաւ սպասաւորներուն.- «Կարասները ջուրով լեցուցէ՛ք»:

Եւ սպասաւորները լեցուցին մինչեւ քերան: Յետոյ ըսաւ անոնց. «Հիմա առէ՛ք եւ սեղանապետին տարէ՛ք»:

Անոնք ալ տարին: Սեղանապետը համտեսեց գինիի փոխուած ջուրը, բայց չգիտցաւ, թէ ուրկէ էր. թէն սպասաւորները, որոնք ջուրը լեցուցած էին գիտէին: Այն ատեն սեղանապետը փեսային ըսաւ. «Ամէն մարդ նախ ընտիր գինին կը հրամցնէ, իսկ երբ գինովման՝ այն ատեն հասարակը, մինչ դուն ընտիր գինին պահեր ես մինչեւ հիմա»:

Յիսուս իր այս առաջին հրաշքը կատարեց Գալիլիայի Կանա քաղաքին մէջ: Հոն ան իր փառքը յայտնեց եւ աշակերտները հաւատացին իրեն:

ԱՌԱԿ 5

Թոյլ մի՛ տար, որ օտարներ յագենան քու զօրութեամբդ, եւ վաստակդ մտնէ ուրիշներուն տունը, որպէսզի օր մը երբ մարմնիդ անդամները տկարանան, զղջաս եւ ըսես. «ինչո՞ւ ես զիս հեռու պահեցի քու խրատեղ եւ անտեսեցի յանդիմանութիւններդ, շխեցի զիս խրատողին թելադրութիւնները եւ չունկնդրեցի ուսուցիչիս խօսքը. քիչ մնացած էր, որ հաւատացեալներու համախմբումին եւ ժողովուրդին մէջ ամէն տեսակ չարիքներու նշանակ դառնայի»:

ՍՈՒՐԲԵՐ ԵՒ ՏՕՆԵՐ

ՀԱՅ ԵԿԵՂԵՑՅՈՅ Ա. ԾՆՈՒՆԴԸ



Յովհաննէս Կարապետը՝ Յիսուս Քրիստոսի գալուստը վկայած մարգարէներէն վերջինն է, որ հետագային նաեւ մկրտեց զԱյն՝ այնուհետեւ կոչելով «Յովհաննէս Մկրտիչ»: Ան մեծ համբաւ ունէր իր ապաշխարհութեամբ, քաղցութեամբ եւ իրեն հետեւորդներու մկրտութեամբ: Իր հանդէպ յարգանքը այնքան մեծ եղած է, որ իր հետեւորդները հարց կու տային, թէ արդեօք ի՞նչն էր Քրիստոսը:

Հայաստանեայց առաքելական եկեղեցին Յովհաննէս Կարապետի յիշատակը կը նշէ չորս առիթներով, որոնցմէ երկուքն են՝ ծնունդը եւ գլխատումը:

Սրբոյն Յովհաննէս Կարապետի ծննդեան տօնը կը գուգադիպի Երկուշաբթի՝ 15 Յունուար, 2018-ին:

Այս առիթով հանդիսաւոր Պատարագ պիտի մատուցուի Յովհաննէս Կարապետ եկեղեցւոյ մէջ Կիրակի 14 Յունուարին:

Կը շնորհաւորենք բոլոր Յովհաննէս եւ Կարապետ անունը կրող մեր եկեղեցւոյ գաւակներուն անուանակոչութեան տօնը մաղթելով բոլորին արեւշատութիւն:

ՀԱՐՑՈՒՄ ՊԱՏԱՍԽԱՆ ԲԱԺԻՆ

Ի՞նչ նշանակութիւն ունի ՄԱՆՈՒԿՆԵՐՈՒ ՔԱՌԱՍՆՕՐԵԱՅ ԸՆԾԱՅՈՒՄԸ

Ի հետեւումն Հին Կտակարանի, մանուկը ծնելէն ետք, մայրը զինք 40-րդ օրը տաճար կը տանի ծննդեան անմաքութենէն սրբուելու եւ մանուկը Աստուծոյ ընծայելու համար (տե՛ս Ղեւտ. 12.6-8): Այս օրէնքին սահմանադիրը Աստուած ի՞նչն է Հին Ուխտի եկեղեցիին մէջ, որ Քրիստոսի վրայ ալ կատարուեցաւ: Այդ պատճառաւ, Նոր Ուխտի եկեղեցին ալ տնօրինեց այդ մէկը կատարել, ո՛չ միայն անդրանիկներու պարագային, այլ՝ բոլոր նորածիններուն:

Ի՞նչ նշանակութիւն ունի «ԽԱՂԱՂՈՒԹԻՒՆ ԱՄԵՆԵՑՈՒՆԸ, ՈՐ ՔԱՀԱՆԱՆ ՊԱՏԱՐԱԳԻ ԸՆԹԱՑՔԻՆ ՅԱՀԱԽ ԿԸ ԿՐԿՆԷ

Հետեւեալ իմաստը ունի. նախ՝ Քրիստոս իր ծնունդով երկինքի եւ երկրի միջեւ խաղաղութիւն հաստատեց, ինչպէս հրեշտակները երգեցին: Ապա՝ մկրտութենէն ետք աշխարհին արքայութեան Աւետարանը սկսաւ քաղցել եւ Աստուծոյ հետ հաշտութեան փնտրութեան սկսաւ ուսուցանել: Ի վերջոյ, մատուցեան երեկոյին, առաքելներուն աւանդեց ըսելով. «Խաղաղութիւն կը թողում ձեզի. իմ խաղաղութիւնս է, որ կու տամ ձեզի» (Յհ. 14.27), եւ քահանան Քրիստոսէն առնելով խաղաղութիւնը, ժողովուրդին կու տայ:

ՄԵՐ ՀԱՅՐԵՐՈՒՆ ԽՐԱՏՆԵՐԸ

ՄԵՐ ՀԱՅՐԵՐԸ ԿԸ ԽՕՍԻՆ ԱՍՏՈՒԱԾ ԿԸ ԼՍԷ ՄԵՐ ԱՂՕԹՔՆԵՐԸ ԵԹԷ ԻՐ ԿԱՄՔԻՆ ՀԱՄԱՁԱՅՆ ԵՆ

1- Իրիկունը, առտուն ու կէսօրը պիտի զանգատիմ ու հառաչեմ: Անիկա պիտի լսէ իմ ձայնս (Մաղմնս 55:17):

2- Չիս պիտի փնտռէք եւ գտնէք, ձեր բոլոր սիրտով պիտի խնդրէք զիս ու ես ձեզի պիտի երեւիմ, կ'ըսէ Տէրը (Եր. 29:13):

3- Արդարները կ'աղաղակեն եւ Տէրը կը լսէ ու իրենց բոլոր նեղութիւններէն կը փրկէ զանոնք (Մաղմնս 34:17):

4- Համարձակ կերպով կը դիմենք Աստուծոյ այն վստահութեամբ, որ երբ իր կամքին համաձայն բան մը խնդրենք կը լսէ մեզ (Ա. Յովհաննէս 5:14):

5- Խնդրեցէք Աստուծմէ եւ պիտի տայ ձեզի, փնտռեցէք եւ պիտի գտնէք, բախեցէք եւ պիտի բացուի ձեզի (Մատթէոս 7:7):

6- Եթէ այդպէս է, կը նշանակէ թէ անոնք, որ Քրիստոս Յիսուսի միացած են դատապարտութեան ենթակայ չեն, որովհետեւ մարմնատրապէս չեն ապրիր, այլ՝ հոգեւորապէս: Որովհետեւ Հոգիին Օրէնքը զիս Քրիստոս Յիսուսի միացնելով կենդանացուց եւ ազատեց մեղքի եւ մահուան ենթակայութենէն: Արդարեւ, ինչ որ Օրէնքը չի կրնար ընել մարդկային բնութեան տակ ըլլալուն պատճառով, Աստուած իրագործեց՝ աշխարհի դրկելով իր Որդին...

Շարունակել կարդալ (հոռոմայեցիներու 8):

ՀՈԳԵՒՈՐ ԽՈՐՀՐԴԱՏՈՒ

ԽԱՂԱՂՈՒԹԵԱՍԲ ԱՊՐԻԼ

Որքան կարելի է ձեզի, ամէն մարդոց հետ խաղաղութիւն ունեցէ՛ք: (Յովմ. 12.18):

Մարդ մը, որ հարցեր կ'ունենար իր դրացիին հետ, ջանաց խաղաղութեամբ լուծել զանոնք: Համոզուելով, որ կարելի պիտի ըլլար սիրով վերջ տալ ծագած դժուարութեանց, ան դիմեց օրէնքին: Բացատրելու համար իր տեսակետը, ան ըսաւ. «Լուրջ ջանք ըրի գործադրելու առաքելին պատուէրը՝ խաղաղութիւն ունենալու մարդոց հետ, բայց անօգուտ: Շնորհակալ եմ Աստուծոյս անոր համար, որ ան չէ ըսած թէ խաղաղութեամբ պէտք է ապրիլ բոլոր մարդոց հետ կեանքի բոլոր պարագաներուն տակ: Աստուած այդպէս չ'ըսեր որովհետեւ գիտէ՝ թէ կարգ մը մարդոց հետ խաղաղութեամբ ապրիլ կարելի չէ»:

Դժբախտաբար շատեր իրենց կարելին ի գործ չեն դնել խաղաղութեամբ ապրելու համար: Տղայ մը հարցուց իր հօրը, թէ ինչպէ՞ս կը սկսին պատերազմները եւ հայրը այսպէս պատասխանեց. «Առաջին աշխարհամարտը սկսաւ երբ Գերմանիա գրաւեց Պելճիքան»: Երկրորդ այդ պահուն մայրը միջամտեց եւ ըսաւ. «Հաճիս ճշմարտութիւնը յայտնէ: Պատերազմը սկսաւ մարդու մը սպանութեան պատճառով»: Անուսինը բարկացաւ եւ պոռաց. «Ո՞վ կը պատասխանէ տղուն հարցումին. դո՞ւն թէ ես»: Կինն ալ բարկացաւ եւ դուռը ուժգին զարնելով դուրս ելաւ: Տղան ըսաւ. «Հայր, հիմա գիտեմ, թէ պատերազմները ինչպէ՞ս կը սկսին»:

Արդեօք դուն բարկութեամբ կը հակադրես, թէ մշակած ես խաղաղութեամբ ապրելու սովորութիւնը: Յիսուս աղօթեց իր թշնամիներուն համար: Դուն ալ կ'աղօթե՞ս: Փորձենք խաղաղութեամբ ապրիլ բոլորին հետ: